



Lumrah berbuka dalam van TNB

Sentiment	Neutral	Frequency	Daily
Outlet Country	Malaysia	Outlet Language	Malay
Impressions	172,826	Circulation	86,413
PR Value	51,848	Page	21

Page Location



Lumrah berbuka dalam van TNB

Melaka: Berbuka puasa di dalam van menjadi perkara lumrah bagi pekerja penyelenggaraan Tenaga Nasional Berhad (TNB) sepanjang Ramadan.

Malah ada antara mereka turut terpaksa bertugas dan bersiap siaga di pagi Syawal bagi berdepan sebarang kemungkinan masalah bekalan elektrik.

Biarpun syahdu, tugas perlu dilaksanakan dengan amanah biarpun menikmati iftar di jalanan mahupun di dalam kenderaan.

Penyelenggara TNB, Kamarul Samsudin, 39, berkata, dia perlu segera ke lokasi aduan bagi memastikan pengguna mendapatkan semula bekalan elektrik walaupun ketika hampir berbuka puasa.

"Kerja penyelenggaraan



KAMARUL (kanan) dan Hafiz berbuka puasa di dalam kenderaan penyelenggaraan TNB di Melaka. - Gambar NSTP/ NAZRI ABU BAKAR

serta mengatasi insiden litar pintas memerlukan tindakan segera bagi memastikan keselamatan nyawa dan harta benda.

"Kami akan pergi ke lokasi bermasalah sama ada di kawasan perumahan atau ceruk kampung. Saya dan rakan setugas berse-dia 24 jam sehari bagi menyelesaikan masalah beka-

lan elektrik ini," katanya.

Dia bersyukur apabila isteri dan tiga anaknya memahami tugas dan amanah yang digalas biarpun terpaksa berkorban kegembiraan bersama.

Rakan setugasnya, Hafiz Rosli, 31, pula berkata, mereka kebiasaannya hanya sempat membeli nasi bungkus untuk berbuka

puasa ketika bertugas.

Katanya, pada sambutan pagi Syawal, mereka akan tetap memakai baju seragam bertugas berbanding orang ramai yang memakai baju Melayu.

"Biasanya kami akan singgah solat sunat Aidilfitri di masjid jika tugas dilakukan sudah diselesaikan," katanya.